

***На Господи воззвах, глас 6:***

Крест воздвизаемъ / на нем Вознесеннаго Страсть пречистую / пети повелеваетъ твари всей. / На том бо убив нас убившаго, / умерщвленные оживилъ есть, / и удобрилъ, и на Небесехъ жити сподоби, / яко Милосерд, / премножествомъ благодати. / Тем, радуящися, вознесемъ имя Его // и Того возвеличимъ крайнее низхождение.

Моисей предобразилъ тя, / руки простеръ на высоту, / и побеждалъ Амалика мучителя, / Кресте честный, верныхъ похвало, / страдальцевъ утверждение, / апостоловъ удобрение, праведныхъ поборниче, / всехъ преподобныхъ спасителю. / Тем, ты воздвизаема зрящи, тварь веселится / и торжествуетъ, славящи Христа, // тобою разстоящая собравшаго крайнюю благодатию.

Кресте пречестный, / егоче обстоитъ чины ангельстии, веселящися, / днесь воздвизаемъ, / Божественнымъ мановениемъ возносиши вся / окраденіемъ снѣди отгнанныя / и в смерть поползшиися. / Темже ты сердцы и устнами, вернии, лобызающе, / священіе почерпаемъ, / возносите, вопиюще, Христа, Преплагаго Бога, // и Того поклоняйтесь Божественному подножию.

***Слава, и ныне, глас 2:***

Приидите, вси языцы, / благословенному Древу поклонимся, / имже бысть вечная правда: / праотца бо Адама прельстивый древомъ / Крестомъ прельщается / и падаетъ, низверженъ, падениемъ страннымъ, / мучительствомъ одержавый царское зданіе; / Кровию Божиею ядъ змиевъ отмывается, / и клятва разрушится осужденія праведнаго, / неправеднымъ судомъ Праведнику осуждену бывшу; / Древомъ бо подобаше древо исцелити / и Страстию Безстрастнаго, яже на Древе, / разрешити страсти осужденнаго. / Но слава, Христе Царю, / еже о насъ Твоему мудрому смотренію, / имже спасл еси всехъ, // яко Благъ и Человеколюбецъ.

### ***На литий, глас 1:***

Днесь яко воистину / святовещанный глагол Давидов конец прият: / се бо яве пречистых ног Твоих поклоняемся подножию / и, на сень крилу Твоею надеющися, / Всещедрый, вопием Ти: / да знаменуется на нас свет Лица Твоего. / Православных людей Твоих рог вознеси / честнаго Креста Твоего воздвижением, // Христе Многомилостиве.

### ***Глас 2:***

Божественное сокровище, в земли скрываемо, / Жизнодавца Крест, / на небесех показася царю благочестивому / и победы на враги подписание являет разумно; / егоже, радуяся, верою и любовью, божественно востек к высоте зренья, / тщанием же того от земных недр изнесу, // во избавление мира и спасение душ наших.

### ***Глас 4:***

Светосиянен звездами образ / предпоказа, Кресте, победу одоления / благочестивому царю великому, / егоже матери Елена изобретши, / мироявленна сотвори, / и, тя днесь воздвижуще, верных лица, зовем: / просвети ны светлостию твоею, / Кресте живоносный, / освети ны крепостию твоею, / всечестный Кресте, / и утверди ны воздвижением твоим, // воздвизаемый ко ополчению врагов.

### ***Слава, и ныне, глас тойже:***

Честнаго Креста, Христе, действо прообразив, Моисей, / победи противнаго Амалика в пустыни Синайстей: / егда бо простираше руке, Креста образ творя, / укрепляхуся людие; / ныне же вещей сбытие в нас исполнися, / днесь Крест воздвизается, / и демони бегают, / днесь тварь вся от тли свободися, / вся бо Креста ради возсияша нам дарования. / Темже, радуящися, вси припадаем Тебе, глаголюще: // яко возвеличишася дела Твоя, Господи, слава Тебе.

**На стихóвне, глас 5:**

Ра́дуйся, живонóсный Крéсте, / благочéстия непобедíмая побéда, /  
дверь ра́йская, / вёрных утверждéние, / Цéркве ограждéние, / íмже тля  
разорíся и упразднíся, / и попрáся смёртная держáва, / и вознесóхомся  
от землí к Небéсным; / ору́жие непобедíмое, / бесóв сопротивобóрче, /  
сла́ва мучеников, / преподóбных я́ко воíстину удобрéние, / пристáнище  
спасéния, // дáруй мíру вéлию мíлость.

**Сла́ва, и ны́не, глас 8:**

Его́же дрéвле Моисéй прообразовáв собо́ю, / Амалíка низложíв,  
победí, / и Давíд песнопéвец / подно́жию Твоему́, вопия́, клáняться  
повелева́ше, / честнóму Кресту́ Твоему́, Христé Бóже, / днесь, грéшнии,  
клáняемся, / устна́ми недостóйными / Тя, изво́лившаго пригвоздítися на  
нем, воспева́юще, мо́лимся: // Го́споди, с разбо́йником Цáрствия Твоего́  
сподóби нас.

**Тропа́рь, глас 1:**

Спасí, Го́споди, лю́ди Твоя́ / и благословí достоя́ние Твоё, /  
побéды на сопротивныя дáруя // и Твоё сохраня́я Крестом Твои́м  
жítельство.

**Конда́к, глас 4:**

Вознесíйся на Крéст во́лею, / тезоименíтому Твоему́ но́вому  
жítельству / щедрóты Твоя́ дáруй, Христé Бóже, / возвеселí нас síлою  
Твоею́, / побéды да́я нам на сопостáты, / посóбие имúщим Твоё  
ору́жие мíра, // непобедíмую побéду.

**Величание:**

Величаем Тя, / Живодавче Христэ, / и чтим Крест Твой святый, /  
имже нас спасл еси // от работы вражия.

**Прокимен:** Видеша вси концы земли / спасение Бога нашего.

**По 50-м псалмэ стихира, глас 6:**

Кресте Христов, христиан упование, / заблудших наставниче, /  
обуреваемых пристанище, / в бранех победа, / вселенная утверждение, /  
недужных врачу, / мертвых воскресение, // помилуй нас.

**На 9-й песни припевы:**

Величай, душе моя, / пречестный Крест Господень.

Величай, душе моя, / животворящего Креста Господня воздвижение.

***На хвалітех, глас 8:***

О, пресла́внаго чудесе́, / живонóсный сад, / Крест пресвяты́й на  
высоту́ возносíмь явля́ется днесь. / Славослóвят вси концы́ земніи, /  
устраша́ются дэ́монския полкі. / О, каковы́й дар земным дарова́ся! /  
Їмже, Христе́, спаси́ ду́ши на́ша, // я́ко Еди́н Благоутро́бен.

***Сла́ва, и ны́не, глас 6:***

Днесь происхо́дит Крест Госпо́день, / и ве́рнии прие́млют того́  
желáнием, / и взе́млют исцелéния душі́ же и те́ла / и вся́кия  
болéзни. / Сего́ целу́им ра́достью и стра́хом: / стра́хом, греха́ ра́ди,  
я́ко недостóйни сущe; / ра́достью же, спасéния ра́ди, / е́же подаёт  
ми́ру на том пригвозди́выйся Христóс Бог, // имéяй ве́лию ми́лость.

***Стихіры на целова́ние Креста́, глас 2:***

Прииді́те, ве́рнии, / животворя́щему Дре́ву поклоні́мся, / на не́мже  
Христóс, Царь сла́вы, волею́ рúце распросте́р, / вознесе́ нас на  
пе́рвое блаже́нство, / я́же пре́жде враг сла́стию укра́д, / изгна́ны  
от Бо́га сотвори́. / Прииді́те, ве́рнии, Дре́ву поклоні́мся, / імже  
сподо́бихомся неві́димых враг сокруши́ти главы́. / Прииді́те, вся  
оте́чества язы́ков, / Крест Госпо́день пе́снями почти́м. / Ра́дуйся,  
Кресте́, па́дшаго Ада́ма соверше́нное избавле́ние! / О тебе́ бо ве́рнейшии  
ца́рие на́ши хва́лятся, / я́ко твоёю́ сілою́ исма́ильтеския лю́ди держа́вно  
покаря́юще. / Тя ны́не со стра́хом христиа́не целу́юще, / на тебе́  
пригвозди́вагося Бо́га сла́вим, глаго́люще: / Го́споди, на том  
пригвозди́выйся, помі́луй нас, // я́ко Благ и Человеколю́бец.

**глас 6:**

Четвероконечный мир днесь освящается, / четверочастному  
воздвизаему Твоему Кресту, Христе Боже наш, / и рог верных христиан  
совозносится; / тем врагов сокрушаем роги. // Велий еси, Господи,  
и дивен в делах Твоих, слава Тебе.

Пророков гласи / Дерево святое предвозвестиша, / имже древняя  
свободися клятвы смертные Адам, / тварь же, днесь возносиму  
тому, совозвышает глас, / от Бога просящи богатыя милости; /  
но, Единый в благоутробию безмерный, Владыко, // очищение буди нам  
и спаси души наша.

**глас 8:**

Днесь Владыка твари / и Господь славы / на Кресте пригвождается /  
и в ребра прободается, / желчи и оцта вкушает Сладость церковная, /  
венцем от терния облагается покрывая небо облаки, / одеждею  
облачится поругания и зашается брэнною рукою, / рукою создавший  
человека, / по плещема биен бывает, / одевая небо облаки, /  
заплевания и раны приемлет, / поношения и зашения, / и вся терпит  
мене ради, осужденнаго, / Избавитель мой и Бог, // да спасет мир от  
прелести, яко Благоутробен.

**Слава, и ныне, глас тойже:**

Днесь Неприкосновенный Существом / прикосновен мне бывает /  
и страждет Страсти, / свободая мя от страстей, / свет подавая  
слепым / от незаконных устен оплевается / и дает плещи за плененныя  
на раны. / Сего Чистая Дева и Мати на Кресте зрящи, / болезненно  
вещает: / увы Мне, Чадо Моё, / что сие сотворил еси? / Красный  
доброю паче всех человек / бездыханный, беззрачный являешься, /  
не имея вида, ниже доброты, увы Мне, Мой Свете, / не могу спяща  
зрети Тя, / утробою уязвляюся, / и лютое оружие сердце Моё проходит; /  
воспеваю Твоя страсти, / поклоняюся благоутробию Твоему, //  
Долготерпеливе Господи, слава Тебе.